

儀

禮

附校錄

一

禮

儀

錄校附

(一)

注校 玄烈 鄭丕 黃

儀禮卷第一

鄭氏注

士冠禮第一 儀禮

士冠禮。筮于廟門。

筮者。以著問日吉凶於易也。冠必筮。日於廟門者。重以成人之禮。成子孫也。廟謂廟。不於堂者。嫌著之靈由廟神。

主人玄冠。朝服。緇帶。素鞶。卽位于門東。西

面。主人將冠者之父兄也。玄冠。委貌也。朝服者。十五升布衣而素裳也。衣不言色者。衣與冠同也。筮必朝服者。尊著龜之道。緇帶。黑繒帶。士帶博二寸。再緣四寸。屈垂三尺。素鞶。白韋鞶。長三尺。上廣一尺。下廣二尺。其頸五寸。肩革帶。博二寸。天子與其臣。玄冕以視朔。皮弁以日

視朝。諸侯與其臣。皮弁以視朔。朝服以日視朝。凡染黑。五入爲緇。七入爲緇。玄則六入與。

有司如主人服。卽位于西方。東面北上。

有司。羣吏有事者。謂主人之吏。所自辟除。府史以下。今時卒吏及假吏是也。筮

與席所卦者。具饌于西塾。

筮。所以問吉凶。謂著也。所卦者。所以畫地記爻。易曰。六畫而成卦。饌陳也。具。俱也。西塾。門外西堂也。

布席于門中。闔西闕外西面。

闔。門櫺闔也。古文闔爲藥闔。

爲筮人執筴。抽上韠。兼執之。進受命於主人。

筮人。有司主三易者。韠。藏筮之器。今時藏弓矢者。謂之韠。丸也。兼。并也。進。前也。自西方而前受命者。當知所筮也。

宰自右少退。贊

命。宰。有司主政教者。自由也。贊。佐也。命。告也。佐主命。告所以筮也。少儀曰。贊幣自左。詔辭自右。

筮人許諾。右還。卽席坐。西面。卦者在左。

卽。就也。東面受命。右還北行就席。卦者。有司主畫地識爻者。

卒

筮書卦執以示主人

卒已也。書卦者筮人以方書所得之卦。

主人受眡反之

反還也。

筮人還東面旅占卒進告吉

旅衆也。還與其屬共占之。古文旅作臚也。

不吉則筮遠日如初儀

遠日旬之外。

徹筮席

徹去也。

宗人告事畢

宗人有司主禮者。

主人戒賓賓禮辭許

戒警也。告也。賓主人之僚友。古者有吉事則樂與賢

者歡成之。有凶事則欲與賢者哀感之。今將冠子故就告僚友使來。禮辭一辭而許再辭而許曰固辭三辭曰終辭不許也。

主人再拜賓答拜主人退賓拜送

退去也。

前期三日筮賓

如求日之儀

前期三日空二日也。筮賓筮其可使冠子者賢者恆吉冠義曰古者冠禮筮日筮賓所以敬冠事敬冠事所以重禮重禮所以爲國本。

乃宿賓賓如主人服出門左西面再拜

主人東面答拜

宿進也。宿者必先戒戒不必宿其不宿者爲衆賓或悉來或否主人朝服。

乃宿賓賓許主人再拜賓答拜主人退賓拜送

乃宿賓者親相見致其辭。

贊冠者一人亦如之

贊冠者佐賓爲冠事者謂賓若他官之屬中士若下士也宿之以筮賓之明日。

厥明夕爲期于廣門之外主人立于門東兄弟在其

南少退西面北上。有司皆如宿服立于西方東面北上。

厥其也。宿服朝服。

擯者請期宰告曰質明行事

擯者有司佐禮者在主人曰擯

在客曰介質正也。宰告曰且日正明行冠事。

告兄弟及有司

擯者告也。

告事畢

宗人告也。

擯者告期於賓之家夙興設洗直于東榮南北以堂深

水在洗東

夙早也。興起也。洗承盥洗者棄水器也。土用鐵榮屋裏也。周制自卿大夫以下其室爲夏屋水器尊卑皆用金疊及大小異。

陳服于房中西墉下東領北上

墉牆。

爵弁服纁裳

純衣。緇帶。韎韐。

此與君祭之服。雜記曰。士弁而祭於公。爵弁者。冕之次。其色赤而微黑。如爵頭然。或謂之緌。其布三十升。緇裳。淺絳。凡染絳。一入謂之緇。再入謂之緌。三入謂之緇。朱則四入與。純衣。絲衣也。餘衣皆用布。堆冕與爵弁服用絲耳。先裳後衣者。欲令下近緇。明衣與帶同色。韎韐。緇韐也。士緇韐而幽衡。合章爲之。士染以茅蒐。因以名。今齊人名爲韎韐。韐之制似韐。冠弁者不與衣陳。而言於上。以冠名服耳。今文緇皆作熏。

衣者。欲令下近緇。明衣與帶同色。韎韐。緇韐也。士緇韐而幽衡。合章爲之。士染以茅蒐。因以名。今齊人名爲韎韐。韐之制似韐。冠弁者不與衣陳。而言於上。以冠名服耳。今文緇皆作熏。

皮弁服。素積。緇帶。素韐。此與君視朔之服也。皮弁

者。以白鹿皮爲冠。象上古也。積。猶辟也。以素爲裳。辟。整其要中。皮弁之衣。用布亦十五升。其色象焉。玄端。玄裳。黃裳。雜裳可也。緇帶。爵韐。

此莫夕於朝之服。玄端。即朝服之衣。易其裳耳。上士玄裳。中士黃裳。下士雜裳。

韐。裳者。前玄後黃。易曰。夫玄黃者。天地之雜色。天玄而地黃。士皆爵章爲韐。其爵同。不以玄冠名服者。是爲緇布冠。陳之玉藻曰。韐。君朱。大夫素。士爵章。

緇布冠。缺項。青組纓。屬於缺。緇纁。廣終幅。長六

尺。皮弁筭。爵弁筭。緇組紃。纁邊同篋。

缺。讀如有頰者弁之類。緇布冠無筭者。著頰。圍髮際。結項中。隅爲四綴。以固冠也。項中有組。亦由固頰爲之耳。今未冠筭者。著卷幘。頰象之所生也。滕薛名齒爲頰。猶著纁今之

幘。梁也。終。充也。纁。一幅。長六尺。足以幘髮而結之矣。筭。今之簪。有筭者。屈組爲紃。垂爲飾。無筭者。纁而結其紃。纁邊。組側赤也。同篋。謂此上凡六物。隋方曰篋。

櫛實于篋。

篋。筭也。蒲筵二。在南。也。側尊一。鬴醴。

在服北。有篋。實勺。鬴角枲。脯醢。南上。

側。猶特也。無偶曰側。置酒曰尊。側者。無玄酒。服北者。纁裳北也。篋。竹器。如簋者。勺。尊升。所以刺酒也。爵三升曰鬴。枲。狀如匕。以角爲之者。欲滑也。南上者。饌次尊。蓬豆次篋。古文鬴

作。爵弁。皮弁。緇布冠。各一匱。執以待於西。坌南。南面。東上。賓升則東面。

爵弁者。制如冕。黑色。但無纁耳。周禮。王之皮弁。會五采玉。琪。象邸。玉。筭。諸侯及孤卿大夫

之冕。皮弁。各以其等爲之。則士之皮弁。又無玉象邸飾。緇布冠。今小吏冠。其遺象也。匱。竹器名。今之冠箱也。執之者。有司也。坌。在堂角。古文匱作纂。坌。作稽。

主人玄端。爵韐。立于阼階下。直東序。西面。玄端。士入

席之服也。昨，猶辭也。東階，所以答酢賓客也。堂東西牆謂之序。兄弟畢袵玄，立於洗東西面北上。兄弟，主人親戚也。畢，猶盡也。袵，同也。玄者，玄衣玄裳也。纁帶，纁位在洗東，退於主人不爵禪者降於主人也。古文袵爲均也。

賓者玄端，負東塾。東塾，門內東堂，負之北面。將冠者采衣紒，在房中南面。采衣，未冠者所服。玉藻曰：童子之節也。纁布衣，纁緣。錦紳并紐，錦東裳，皆朱錦也。紒，結髮。古文紒爲結。賓如主

人服。贊者玄端從之，立于外門之外。外門，大門外。賓者告。告者，出請入告。主人迎，出門左，西面再拜。賓答拜。左，東也。出以東爲左，入以東爲右。

主人揖贊者與賓揖，先入。贊者賤，揖之而已。又與賓揖，先入道之。贊者隨賓。每曲揖。周左宗廟，入外門，將東曲揖，直席將北曲，又揖。至于廟門，揖入，三揖。至于階，三

讓。入門，將右曲揖，將北曲揖，當碑揖。主人升，立于序端西面。賓西序東面。主人，賓俱升立相鄉。贊者盥于洗西，升立于房中西面，南上。盥於

由賓階升也。立于房中，近其事也。南上，尊於主人之贊者。古文盥皆作浣。主人之贊者筵于東序，少北，西面。主人之贊者，其屬中士若下士，筵布席也。東序，主人位也。適子冠於昨，少北，辟主人。將冠者出

房，南面，立于房外。贊者，賓之贊冠者也。奠，停也。古文櫛爲節。賓揖將冠者，將冠者即筵坐。贊者坐櫛，設

纁。即就。設施。賓降，主人降。賓辭，主人對。主人降，爲賓將盥，不敢安位也。辭對之辭未聞。賓盥，卒，壹揖，壹讓，升。主人升，復初位。揖讓皆壹者，降於初，古文壹皆作一。賓

筵前坐，正纁，興，降西階一等，執冠者升一等，東面授賓。正纁者，將加冠，宜親之，興，起也。降，下也。下賓右手執項，左手

一等升一等，則中等相授冠，纁布冠也。

執前進容。乃祝坐如初。乃冠。興復位。贊者卒。

進容者。行翔而前。鴈焉。至則立。祝坐如初。坐筵前。興起也。復位。西序東面。卒謂設缺項結纓也。

冠者興。賓揖之。適房。服

玄端爵韠。出房。南面。

復出房南面者。一加禮成。觀衆以容體。

賓揖之。卽筵坐。櫛設筭。爲盥正纁。如初。降二等。受皮弁。右執項。左執

前。進祝加之。如初。復位。贊者卒。紘。

如初。爲不見者言也。卒紘。謂繫屬之。

興。賓揖之。適房。服素積。素韠。容出房。南面。

容者。再加纁成其儀益繁。

賓降

三等。受爵弁。加之。服纁裳。韠。鞞。其他如加皮弁之儀。

降三等。下至地。他謂卒紘容出。

徹皮弁。冠櫛。筵入于房。

徹者。贊冠者。主人之贊者爲之。

筵于

戶西。南面。

筵。主人之贊者。戶西室戶西。

贊者洗于房中。側酌醴。加枲覆之。面葉。

洗盥而洗爵者。昏禮曰。房中之洗。在北堂。直室東隅。筵在洗東。北面。盥側酌者。言無爲之薦者。面前也。葉枲。大端。贊

酌者。贊尊。不入房。古文葉爲枲。

賓揖冠者就筵。筵西。南面。賓受醴于戶東。加枲。面枋。筵前北面。

戶東。室戶東。今文枋爲枲。

冠者筵西拜受。饔。

賓東面答拜。

筵西拜。南面拜也。賓還答拜於西序之位。東面者。明成人與爲禮。異於答主人。

薦脯醢。

贊冠者也。

冠者卽筵坐。左執饔。右祭脯醢。以枲祭醴。三興。筵

末坐。啐醴。建枲。興。降筵。坐奠饔。拜。執饔興。賓答拜。

建枲。扱枲於醴中。其拜皆如初。古文啐爲呼。

冠者奠饔于薦東。降筵。北面坐取脯。

降自西階。適東壁。北面見于母。

薦東。薦左。凡奠爵。將舉者於右。不舉者於左。適東壁者。出闔門也。時母在闔門之外。婦人入席由闔門。

母拜受。子拜送。母又拜。

婦人於丈夫雖其子。猶依

拜。賓降直西序東面。主人降復初位。

初位初至階讓升之位

冠者立于西階東南面。賓字之冠者對。

對應也其辭未聞

賓出主人

送于廟門外。

不出外門將醴之

請醴賓。賓禮辭許。賓就次。

此醴當作醴。禮賓者謝其自勤勞也。次門外更衣處也。以帷幕簾席爲之。

冠者見於兄弟。兄弟再拜。冠

者答拜。見贊者。西面拜。亦如之。

見贊者西面拜則見兄弟東面拜贊者後賓出

入見姑姑。如見母。

入入寢門也。席在寢門外。如見母者亦北面。姑與姊亦俛拜也不見妹。妹卑。

乃易服。

服玄冠玄端爵韠。奠摯見于君。遂以摯見於鄉大夫鄉先生。

易服不朝服者非朝事也。擊雄也。鄉先生鄉中老人爲卿大夫致仕者。

乃醴賓。以壹獻

之禮。

壹獻者主人獻賓而已。即燕無豆獻者獻酢。賓主人各兩爵而禮成。特牲少牢饋食之禮獻尸。此其類也。士禮一獻。卿大夫三獻。禮賓不用柶者。沛其醴內則曰飲重醴。清糟稻醴。清糟黍醴。清糟粱醴。清糟凡醴事實者用糟。文者用清。

主人酬賓。

束帛儷皮。

飲賓客而從之以財貨曰酬。所以申暢厚意也。束帛十端也。儷皮兩鹿皮也。古文儷爲離。

贊者皆與贊冠者爲介。

贊者衆賓也。皆與亦飲酒爲衆賓介。賓之輔以贊爲之。尊之飲酒之禮賢者爲賓其次爲介。

賓出主人送于外門外再拜歸賓俎。

一獻之禮有薦有俎其牲未聞使人歸諸賓家也。

若不醴則醢用酒。

若不醴謂國有舊俗可行聖人用酒不改者也。曲禮曰君子行禮不求變俗祭

祀之禮居喪之服哭泣之位皆如其國之故。諸脩其法而審行之是酌而無酬酢曰醢。醢亦當爲醢。

尊于房戶之間。兩甒有禁。玄酒在西。加勺南枋。

房戶間者房西室戶東也。禁承尊之器也。名之爲禁

者因爲酒戒也。玄酒新水也。雖今不用猶設之不忘古也。

洗有篚在西。南順。

洗庭洗當東榮南北以堂深篋亦以盛勺。解陳於洗西南順北爲上也。

始加醢用脯醢。賓降取爵于篚辭降。

如初。卒洗。升酌。始加者言一加一醴也。加冠於東序。醴之於戶西。同耳。始醴亦薦脯醢。賓降者爵在庭。酒在堂。將自酌也。辭降如初。如將冠時降盥辭主人降也。凡薦出自東房。冠者拜受。賓答拜。如初。

贊者戶西。賓升揖。冠者就筵。乃酌。冠者南面拜受。賓授爵。東面答拜。如醴禮也。於賓答拜贊者則亦薦之。冠者升筵。坐。左執爵。右祭脯醢。祭酒。興。筵末坐。啐酒。降筵。拜。賓答拜。

冠者奠爵于薦東。立于筵西。冠者立。俟賓命。賓揖之。則就東序之筵。徹薦爵。筵尊不徹。徹薦與爵者。辟後加也。不徹筵尊。三加可相因。由便也。加皮弁。如初儀。再醢。

攝酒。其他皆如初。攝。猶整也。整酒。謂撓之。今文攝爲最。加爵弁。如初儀。三醢。有乾肉折俎。啐之。其他如初。北面取脯。見于母。乾肉。牲體。

之脯也。折其體以爲俎。啐嘗之。若殺。則特豚。載合升。離肺實于鼎。設局特豚。一豚也。凡牲皆用左胖。煮於鑊曰亨。在鼎曰升。在俎曰載。載合升者。明亨與載皆合左右胖。離。割也。割肺者。使可祭也。可啐也。今文

屬爲鉉。古始醢。如初。亦薦脯醢。徹薦爵。筵尊不徹矣。再醢。兩豆。葵菹。羸醢。兩簋。栗脯。羸醢。蟪蛄醢。今文羸爲蟪。三醢。攝酒如再醢。加俎。啐之。皆

如初。啐肺。攝酒如再醢。則再醢亦攝之矣。加俎。啐之。當爲祭字之誤也。祭俎如初。如祭脯醢。卒醢。取籩肺以降。如初。若孤子。則父兄戒宿。父兄。諸父。諸兄。冠之日。主

人紒而迎賓。拜揖。讓立于序端。皆如冠主。禮於阼。冠主。冠者親父。若宗兄也。古文紒爲結。今文體作醢。凡拜。北面于阼階上。賓亦北面于

西階上答拜。若殺。則舉鼎陳于門外。直東塾北面。孤子得申體。饗之父。在。有鼎不陳於門外。若庶子。則冠于房外。南面。遂醢焉。房外。謂尊

東也。不於阼階。非代也。冠者母不在。則使人受脯于西階下。戒賓曰。某有子某。將加布於其首。願吾子之教之。不離於客位。成而不尊。

也。吾子相親之辭。吾我也。子賓對曰。某不敏。恐不能共事。以病吾子。敢辭。病猶辟也。古文病爲秉。主人曰。某猶願吾子之終。

教之也。賓對曰。吾子重有命。某敢不從。敢不從。許之辭。宿曰。某將加布於某之首。吾子將莅之。敢宿。賓對曰。某敢。

不夙興。在臨也。今文無對。始加。祝曰。令月吉日。始加元服。令吉皆善也。元首也。棄爾幼志。順爾成德。壽考惟祺。介爾景福。爾女也。既冠爲成德。

祺。祥也。介。景皆大也。因冠而戒。且勸之。女如是。則有壽考之祥。大女之大福也。再加曰。吉月令辰。乃申爾服。辰子丑也。申重也。敬爾威儀。淑慎爾德。眉壽萬年。永受。

胡福。胡猶遐也。遠也。遠無窮。古文眉作糜。三加曰。以歲之正。以月之令。咸加爾服。正猶善也。咸皆也。皆加女之。三服謂緇布冠皮弁爵弁也。兄弟具在。以成厥德。厥其。

黃耆無疆。受天之慶。黃黃髮也。耆考。凍梨也。皆壽徵也。疆竟。醴辭曰。甘醴惟厚。嘉薦令芳。嘉善也。善薦謂脯醢芳香也。拜受祭之。以定爾祥。承天之。

休。壽考不忘。休美也。不忘長有令名。醴辭曰。旨酒既清。嘉薦宜時。宜誠也。古文宜爲瘳。始加元服。兄弟具來。孝友時格。永乃保之。善父。

母爲孝。善兄弟爲友。時是也。格至也。永長也。保安也。行此乃能保之。今文格爲綴。凡醴者不祝。再醴曰。旨酒既清。嘉薦伊脯。滑清也。伊惟也。乃申爾服。禮儀有序。祭此嘉爵。承。

天之祐。祐，福也。三醺。曰：言酒令芳，籩豆有楚。旨，美也。楚，陳列之貌。咸加爾服，肴升折俎。肴，升折俎，亦謂豚。承天之慶，受福無疆。字辭。

曰：禮儀既備，令月吉日，昭告爾字。昭明也。爰字孔嘉，髦士攸宜。爰，於也。孔，甚也。髦，俊也。攸，所也。宜之于假，永受保之。曰：伯某甫，仲

叔季，唯其所當。于，猶爲也。假，大也。宜之，是爲大矣。伯仲叔季，長幼之稱。甫，是丈夫之美稱。孔子爲尼甫，周大夫有嘉甫，宋大夫有孔甫，是其類。甫字或作父。履，夏用葛，玄端黑履，青絢纁純，純博

寸。屨者，順髮色。玄，端黑。屨以玄裳爲正也。絢之言拘也，以爲行戒。狀如刀衣鼻，在屨趾，纁，縫中紉也。純，緣也。三者皆青博廣也。素積白屨，以魁桴之。緇絢纁純，純博寸。魁，屨始，桴注者。

黑絢纁純，純博寸。爵弁屨以黑爲飾。爵弁尊，其屨飾以纁次。冬，皮屨可也。不屨總屨。總屨，裹屨也。纁不灰治曰總。記冠義：始冠，緇布之冠也。大古冠

布，齊則緇之，其緇也。孔子曰：吾未之聞也。冠而敝之可也。大古，唐虞以上，緇纁飾，未之聞。大古質，蓋亦無飾。重古始冠，冠其齊冠，白布冠者，今之喪冠是也。適子冠於

阼，以著代也。醺於客位，加有成也。醺，夏殷之禮，每加於阼，則醺之於客位，所以尊敬之，成其爲人也。三加彌尊，諭其志也。彌，猶益也。冠服後加，益尊，諭其志者，欲其德之進也。冠而

字之，敬其名也。名者，實所受於父母，冠成人，益文，故敬之也。今文無之。委貌。周道也。章甫，殷道也。毋追，夏后氏之道也。委，猶安也。言所以安正容貌，章明也。殷質，言以表明

丈夫也。甫，或爲父。今文爲斧，毋，發聲也。追，猶堆也。夏后氏質。周弁，殷毳，夏收。弁，名出於櫛，櫛，大也。言所以自光大也。毳，名出於臙，臙，覆也。言所以自覆飾也。收，言所以收斂髮也。其制之異，亦未

以其形名之。三冠皆所服以行道也。其制之異，同未之聞。

聞。

三王共皮弁素積。

實不變。

無大夫冠禮。而有其昏禮。古者五十而后爵。何大夫冠禮之有。

據時有未冠而命爲大夫者。周之初禮。年未五

十而有賢才者。試以大夫之事。猶服士服。行士禮。二十而冠。急成人也。五十乃爵。重官人也。大夫或時改取。有昏禮是也。

公侯之有冠禮也。夏之末造也。

造。作也。自夏初以上。諸侯雖父死。子繼。年未滿五十者。亦服士服。行士禮。

五十乃命也。至其衰末。上下相亂。篡殺所由生。故作公侯冠禮。以正君臣也。坊記曰。君不與同姓同車。與異姓同車不同服。示民不嫌也。以此坊民。民猶得同姓以殺其君也。

天子之元子猶士也。天下無生而貴者。

也。元子。世子也。無生而貴皆由下升。

繼世以立諸侯。象賢也。

象。法也。爲子孫能法先祖之賢。故使之繼世也。

以官爵人。德之殺也。

殺。猶衰也。德大者爵以大官。德小者爵以小官。

死而諡。

今也。古者生無爵。死無諡。

今。謂周衰。記之時也。古。謂殷。殷士生不爲爵。死不爲諡。周制以士爲爵。死猶不爲諡耳。下大夫也。今記之時。士死則諡之。非也。諡之由魯莊公始也。

儀禮卷第二

士昏禮第二 儀禮

昏禮下達納采用鴈

達通也。將欲與彼合昏姻。必先使媒氏下通其言。女氏許之。乃後使人納其采擇之禮。用鴈爲摯者。取其順陰陽往來。詩云。取妻如之何。匪媒不得。昏必由媒。交接設紹介。皆所以養廉恥。

主人筵于戶

西。西上。右几。

主人。女父也。筵爲神布席也。戶西者。尊處。將以先祖之遺體許人。故受其禮於廟也。席西上。右設几。神不統於人。席有首尾。

使者玄端至。

使者。夫家之屬。若羣吏。使往來者。玄端。士莫夕之服。又服以畢其廟。有司緇裳。

擯者出請事入告。

擯者。有司佐禮者。請猶問也。禮不必事。雖知猶問之重慎也。

主人如賓服。迎于門外。再拜。賓不答拜。揖入。

門外。大門外。不答拜者。奉使不敢當其盛禮。

至于廟門。揖入。三揖。至于階。三讓。

入三揖者。至內霤。將曲揖。既曲。北面揖。當碑揖。

主人以賓升。西面。賓升西階。當阿。東面致命。主人阼

階上北面再拜。

阿。嚳也。入堂深。示親親。今又阿爲殿。

授于楹閒。南面。

授於楹閒。明爲合好。其節同也。南面。卑授也。

賓降出。主人降。授老鴈。

老。羣吏之尊者。

擯者出請。不

賓之事有無。

賓執鴈。請問名。主人許。賓入授如初禮。

問名者。將歸卜其吉凶。古文禮爲醴。

擯者出請。賓告事畢。入告。出請醴賓。

此醴亦當爲醴。禮賓。

者欲厚之。賓禮辭許。禮辭。主人徹几。改筵。東上。側尊。經醴于房中。徹几改筵者。鄉爲神。今爲人。側尊亦言無玄酒。側尊於房中。亦有饌有蓬豆。如冠禮之設。主人迎賓于

庭門外。揖讓如初。升。主人北面再拜。賓西階上北面答拜。主人拂几授校。拜送。賓以几辟。北面設于坐。左

之西階上答拜。拂拭也。拭几者。尊賓新之也。贊者酌醴加角。柶面葉出于房。贊佐也。佐主人酌事也。贊者亦洗酌加角。柶覆之。如冠禮矣。出房南面待主人迎受。古文案作

校几足辟遠巡古文校爲技

摺。主人受醴面枋。筵前西北面。賓拜受醴復位。主人阼階上拜送。主人西北面疑立待賓即筵也。賓復位於西階上北面明相尊敬此筵不主爲飲食起。贊者

主人西北面疑立待賓即筵也。賓復位於西階上北面明相尊敬此筵不主爲飲食起。

薦脯醢。薦進。賓即筵坐。左執觶祭脯醢以柶祭醢三。西階上北面坐啐醴建柶興坐奠觶遂拜。主人答拜。即就

也。左執觶則祭以右手也。凡祭於脯醢之豆閒必所爲祭者謙敬示有所先也。啐嘗也。嘗之者成主人意建猶拔也。興起也。奠停也。賓即筵奠于薦左降筵北面坐取脯主人辭。薦左蓬豆之薦左蓬豆之

取脯者尊主人之賜將歸執以反命辭者辭其親微。賓降受人脯出主人送于門外再拜。人謂使者從者授於階下四面然後出去。納吉用鴈如納采禮。歸卜於廟得吉兆復使使者往

告昏姻之納徵玄纁束帛儷皮如納吉禮。儷成也使使者納幣以成昏禮用玄纁者象陰陽備也。束帛十端也。周禮曰凡嫁子取妻入幣純帛無過五兩儷兩也。執束帛以致命兩皮爲庭實皮鹿皮今文纁皆作黑

請期用鴈。主人辭賓許告期如納徵禮。主人辭者陽倡陰和期日宜由夫家來也。夫家必先卜之得吉日乃使使者往辭即告之。期初昏陳三鼎于寢門外東方

北面北上其實特豚合升去蹄舉肺脊二祭肺二魚十有四腊一肫脾不升皆飪設局鼎期取妻之日鼎三者升豚魚臘也饗壻之

室也北面鄉內也特猶一也合升合左右脾升於鼎也去蹄蹄甲不用也舉肺脊者食時所先舉也肺者氣之主也周人尚鬻脊者體之正也食時則祭之飯必舉之貴之也每皆二者夫婦各一耳凡魚之正十五而鼎減一爲十四者欲其敵偶也腊免腊也肫或作純純全也凡腊

用全脾不升者近竅賤也飪孰也屬所以扛鼎鼎設洗于阼階東南洗所以承盥洗之器棄水者饌于房中醯醬二豆菹醢四豆兼巾

之黍稷四敦皆蓋醢醬者以醢和醬生人尚羹味兼巾之者六豆共中巾爲禦塵蓋爲尚溫周禮曰食齊視春時大羹大羹清煮肉汁也大古之羹無鹽菜蠶火尊

于室中北墉下有禁玄酒在西綌冪加勺皆南枋墉牆也禁所以厭飪者玄酒不忘古也綌冪葛今文枋作柄尊于房戶之東無玄酒篚在南

實四爵合無少酒者略之也夫婦酌於內尊其餘酌於外尊合登破匏也四爵兩登凡六爲夫婦各三爵一升曰爵主人爵弁纁裳緇袖從者畢玄端乘墨車從車二乘

執燭前馬主人壻也壻爲婦主爵弁而纁裳玄冕之次大夫以上親迎冕服冕服迎者鬼神之鬼神之者所以重之親之纁裳者衣緇衣不言衣與帶而言施者空其文明其與施俱用緇施謂緣施之言施以緇緣裳象陽氣下施從者有司也乘貳車從行者也畢

執燭前馬使徒役持炬火居前照道婦車亦如之有祓亦如之者車同等士妻之車夫家共之大夫以上嫁女則自以車送之棧車裳幃周禮謂之容車有容則固有蓋至于門外婦

大門主人筵于戶西西上右几主人女父也女次純衣纁袖立于房中南面次首飾也今時髮也周禮追師掌爲副編次純衣緣衣女從者畢褫玄則此亦玄矣樽亦

緣也。櫛之言任也。以繡緣其衣。象陰氣上任也。凡婦人不常施神之衣。盛昏禮爲此服。喪大記曰。復衣不以櫛明非常。

姆纁笄宵衣在其右。

姆。婦人年五十無子出而不復嫁。能以婦道教人者。若今時乳母矣。纁。緇髮。笄。今時簪也。纁亦廣充。

幅。長六尺。宵。讀爲詩素衣朱綰之綰。魯詩以綰爲綺屬也。姆亦玄衣。以綰爲領。因以爲名。且相別耳。姆在女右。當詔以婦禮。

女從者畢。袵玄纁笄被穎黼在其後。

女從者。謂姪婦也。詩云。諸婦從之。祁祁如雲。袵。同也。

同玄者。上下皆玄。穎。禪也。詩云。素衣朱襦。爾雅云。黼領謂之襦。周禮曰。白與黑謂之黼。天子諸侯后夫人狄衣。卿大夫之妻。刺黼以爲領。如今偃領矣。士妻始嫁。施黼黼於領上。假盛飾耳。言被明非常服。

主人玄端迎于門外。西面

再拜。賓東面答拜。

賓。壻。

主人揖入。賓執鴈從。至于廟門。揖入。三揖。至于階。三讓。主人升。西面。賓升。北面。奠鴈。

再拜稽首。降出。婦從。降自西階。主人不降送。

賓升奠鴈拜。主人不答。明主爲授女耳。主人不降送。禮不參。

壻御婦車。授綏。姆辭不受。

壻御者。親而下之。綏。所以

引升車者。僕人之體。必授人綏。

婦乘以几。姆加景。乃驅。御者代。

乘以几者。尙安舒也。景之制。蓋如明衣。加之以爲行道禦塵。今衣鮮明也。景亦明也。驅。行也。行車輪三周。御者乃代壻。今文景作儻。

壻乘其車。

先俟于門外。

壻車在大門外。乘之先者。道之也。男率女。女從男。夫婦剛柔之義。自此始也。俟。待也。門外。壻家大門外。

婦至。主人揖婦以入。及寢門。揖入。升自西階。媵布席

于奧。夫入于室。卽席。婦尊西南面。媵御沃盥交。

升自西階。道婦入也。媵。送也。謂女從者也。御。當爲訝。訝。迎也。謂壻從者也。媵沃壻盥於南洗。御沃婦盥於北洗。夫婦始接。情有廉恥。媵御交道其志。

者。徹尊。冪。舉者盥。出。除。鼎。舉鼎入。陳于阼階南。西面。北上。匕俎從。設。

執匕者。執俎者。從鼎而入。設之。所以別出牲體也。俎。所以載也。

北面載。執

而俟。執俎而立。匕者逆退。復位于門東北面西上。執匕者事畢逆退。由便至此乃著其位略賤也。贊者設醬于席前。菹醢在其北。俎入。設

于豆東。魚次。腊特于俎北。豆東菹醢之東。贊設黍于醬東。稷在其東。設滑于醬南。饌饌方也。設對醬于東。對醬婦醬也。菹醢設之當時俎。

在其南北上。設黍于腊北。其西稷。設滑于醬北。御布對席。贊啓會。卻于敦南。對敦于北。啓發也。今文啓作開。古文卻爲紆。贊

告具。揖婦即對筵。皆坐。皆祭。祭薦黍稷肺。贊者西面告饌具也。揖婦使即席薦菹醢。贊爾黍。授肺脊。皆食。以滑醬。皆祭舉。食舉也。

爾移也。移置席上。便其食也。皆食。食黍也。以用也。用者謂啜滑而醬。古文黍作稷。三飯卒食。卒已也。同牢示親。不主爲食起。三飯而成禮也。贊洗爵。酌醕主人。主人拜受。贊戶內北面答

拜。醕婦亦如之。皆祭。醕漱也。醕之言演也。安也。漱所以潔口且演安其所食。醕酌內尊。贊以肝從。皆振祭。嚼肝。皆實于菹豆。肝。肝炙也。飲酒宜有着以安之。卒爵。皆

拜。贊答拜。受爵。再醕如初。無從。三醕用盃。亦如之。亦無從也。贊洗爵。酌于戶外尊。入戶西北面奠爵。拜。皆答拜。

坐祭。卒爵。拜。皆答拜。興。贊酌者自酢也。主人出。婦復位。復尊西南面之位。乃徹于房中。如設于室。尊否。徹室中之饌。設于房中爲饌。御饌之徹尊不設。有外尊也。

主人說服于房。媵受。婦說服于室。御受。姆授巾。巾所以自絮清。今文說皆作稅。御衽于奧。媵衽良席在東。皆有枕。北上。衽臥席也。婦人